

## GENESIS

## Ti 1

Adebo

Mfiase no Onyankopon bɔɔ ɔsoro ne asase. 2 Na asase yɛ sakasaka ne hunu, na esum wɔ ebun no ani, na Onyankopon honhom butuw nsu no ani.

3 Na Onyankopon kae sɛ: ɛnye hann! Na ɛyɛ hann. 4 Na Onyankopon huu hann no sɛ eye. Na Onyankopon pae hann ne sum no mu. 5 Na Onyankopon frɛ hann no sɛ awia, na esum no de, ɔfrɛ no anadwo. Na ade sae, na ade kyee, da a edi kan nen.

6 Na Onyankopon kae sɛ: Ntrɛwmu mmra nsu no ntam, na emmɛpae nsu ne nsunomu. 7 Na Onyankopon yɛ ahun mu ntrɛwmu, na ɔpae nsu a ɛwo ntrɛwmu no ase ne nsu a ɛwo ntrɛwmu no so no mu. Na ɛyɛ sa. 8 Na Onyankopon frɛ ntrɛwmu no ɔsoro. Na ade sae, na ade kyee, da a etia abien nen.

9 Na Onyankopon kae sɛ: Nsu a ɛwo ɔsoro ase no mmoaboa ano wɔ faako, na wonhu asase kesee. Na ɛyɛ sa. 10 Na Onyankopon frɛ kesee no asase, na nsu mmoaano no, ɔfrɛ no epo. Na Onyankopon hui sɛ eye.

11 Na Onyankopon kae sɛ: Asase mfuw wura frɔmfrɔm, nhaban a ɛsow aba, nnua a ɛsow adua senea ne su te a n'aba wɔ mu, wɔ asase so. Na ɛyɛ sa. 12 Na asase fifi wura, nhaban a ɛsow aba senea ne su te, ne nnua a ɛsow adua a n'aba wɔ mu senea ne su te. Na Onyankopon hui sɛ eye. 13 Na ade sae, na ade kyee, da a ɛto so abiesa nen.

14 Na Onyankopon kae sɛ: Akanea mmra ɔsoro ntrɛwmu no mu, na emmɛpae awia ne anadwo mu, na ɛnye nsenkyerɛnne ne bere nkyekyem ne nna

ne mfe; 15 na ɛnye akanea wɔ ɔsoro ntrɛwmu no mu, na enharan asase so. Na ɛyɛ sa. 16 Na Onyankopon yɛ akanea akɛse abien no, ɔkanea kɛse no, sɛ enni awia so, ne ɔkanea ketewa no, sɛ enni anadwo so, ne nsoromma nso. 17 Na Onyankopon de sisii ɔsoro ntrɛwmu no mu sɛ enharan asase so, 18 na enni awia ne anadwo so, na ɛmpae hann ne esum no mu. Na Onyankopon hui sɛ eye. 19 Na ade sae, na ade kyee, da a ɛto so anan nen.

20 Na Onyankopon kae sɛ: Nsu no nno abode a ɛte ase manyamanya, na ntakrabo a ntu mfa asase so ɔsoro ntrɛwmu no ani. 21 Na Onyankopon bɔɔ nsuboa akɛse ne abode a ɛte ase a ɛkeka ne ho a eye nsu mu manyamanya nyinaa, senea wɔn su te, ɛne nnomaa a wɔwɔ ntaban nyinaa, senea wɔn su te. Na Onyankopon hui sɛ eye. 22 Na Onyankopon hyiraa wɔn sɛ: Monwo, na monno, na monye epo mu nsu mu ma, na ntakrabo a nno ɔso asase so. 23 Na ade sae, na ade kyee, da a ɛto so anum nen.

24 Na Onyankopon kae sɛ: Asase mma abode a ɛtete ase mfi mmra, senea wɔn su te; ntoteboa ne mmoa a wɔwea ne asase so mmoadoma, senea wɔn su te. Na ɛyɛ sa. 25 Na Onyankopon yɛ asase so mmoadoma senea wɔn su te, ne ntoteboa senea wɔn su te, ne mmoa a wɔwea fam nyinaa senea wɔn su te. Na Onyankopon hui sɛ eye.

26 Na Onyankopon kae sɛ: Momma yenye onipa wɔ yen suban so sɛ yen sɛso, na wonni epo mu mpataa ne wim nnomaa ne ntoteboa ne asase nyinaa ne mmoa a wɔwea asase so nyinaa so. 27 Na Onyankopon bɔɔ onipa wɔ ne suban so, Onyankopon suban so na ɔbɔɔ no, ɔbarima ne ɔbea na ɔbɔɔ wɔn.

1 Dwom 104; Aso 17, 24; Adi 4, 11; Heb 11, 3; Yoh 1, 1-3.

7 Dwom 19, 1.

9 2 Pe 3, 5; Hiob 38, 8-11.

28 Dwom 8, 5-8.

27 Efe 4, 24; Gen 2, 7; 2, 22; Mat 19, 4.

3 Dwom 33, 9; 2 Ko 4, 6.

14 Dwom 74, 16.

16 Dwom 136, 7-9.

28 Na Onyankopon hyiraa won, na Onyankopon ka kyere won se: Monwo, na monno, na monye asase so ma, na monhye so, na munni epo mu mpataa ne wim nnomaa ne mmoo a wokeka won ho wo asase so nyinaa so.

29 Na Onyankopon kae se: Hwe, mede nhaban a esow aba nyinaa a ewo asase nyinaa ani, ene nnua nyinaa a adua a n'aba wo mu wo so mama mo se enye mo aduan. 30 Na asase so mmoadoma nyinaa ne wim nnomaa nyinaa ne mmoo a wowea asase so nyinaa a okra a ste ase wo won mu no, mede nhaban momono mama won se wonni. Na eye sa. 31 Na Onyankopon hu nea nye nyinaa, na hwe, eye papa. Na ade sae, na ade kyee, da a eto so asia nen.

## Ti 2

### Homeda

Na wowiee osoro ne asase ne emu asaso nyinaa bo. 2 Na da a eto so ason no, Onyankopon wiee n'adwuma a cyee no, na da a eto so ason no, chome fii n'adwuma a cyee nyinaa ho. 3 Na Onyankopon hyiraa da a eto so ason no, na otew ho, efise eno mu na Onyankopon home fii n'adwuma a obae na cyee nyinaa ho.

### Adebo su: Eden turo

4 Eyinom ne osoro ne asase awo ntoatoaso wo won bo a woboo won no mu, eda a Awurade Nyankopon yee asase ne soro no. 5 Na afuw mu nnua nyinaa nnya mmaa asase so, na afuw mu nhaban nyinaa nnya mfifi, efise Awurade Nyankopon nnya ntso osu nguu asase so e, na onipa a obedow asase nni ho. 6 Na kusukuuku fi asase so foroe, na efow asase ani nyinaa. 7 Na Awurade Nyankopon de fam dote nwenee onipa, na ohuw nkwa home guu ne hwene mu, na onipa yee okra teasefo.

8 Na Awurade Nyankopon yee turo bi wo Eden a ewo apuei fam, na ode onipa a onwenee no no tra ho. 9 Na Awurade Nyankopon maa nnua ahorow nyinaa a wohwe a, eye fe, na eye se wodi fifii asase no so, ne nkwa dua a esi turo

no mfinimfini, ne papa ne bone hu dua.

10 Na asu bi fi Eden befow turo no, na efi ho ara na emu paapae yee nsuti anan. 11 Nea edi kan no din de Pison, eno na ekonton twa Hawila asase a sika wo so no nyinaa ho; 12 na asase no so sika ye; sho na bedola ne apopobibiribo wo. 13 Na asu a etia abien no din de Gihon, eno na ekonton twa Etiopia asase nyinaa ho. 14 Na asu a eto so abiesa ne Hidekel, eno na esen wo Asiria apuei. Na asu a eto so anan ne Eufate.

15 Na Awurade Nyankopon de onipa no koduaa Eden turom se onnow na onwen ho. 16 Na Awurade Nyankopon hwe onipa no se: Turom ha nnua nyinaa, di bi. 17 Na papa ne bone hu dua no de, nni, efise da a wubedi bi no, owu na wubewu. 18 Na Awurade Nyankopon kae se: Enye se onipa nko tra, meye ne soso boafu mama no.

19 Na Awurade Nyankopon de dote nwenee wuram mmoadoma nyinaa ne wim nnomaa nyinaa, na ode won baa onipa no nkyen se obehu senea obefre won. Na nea onipa de fre abode a ste ase biara no, eno ara ne ne din. 20 Na onipa totoo afieboa nyinaa ne wim nnomaa ne wuram mmoadoma nyinaa din. Nanso onipa de, wannyana ne soso boafu amma no.

21 Na Awurade Nyankopon maa nna ho too onipa no so, na odae, na oyii ne mparow mu biako, na ode nam tuua anan mu. 22 Na Awurade Nyankopon de mparow a oyi fii onipa no mu no yee obea, na ode no brea onipa no. 23 Na onipa no kae se: Afei me nnompe mu dompe ne me honam mu nam ni. Oyi na wobefre no obea, efise obarima mu na woyii no fii. 24 Ne saa nti na obarima begyaw n'agya ne ne na, na ode ne ho akobata ne yere ho, na woye ohonam koro. 25 Na won baanu no deda adagyaw, onipa no ne ne yere, na won ani nwu.

## Ti 3

### Onipa asoden

Na owo ye anifere kyen wuram mmoadoma a Awurade Nyankopon yee won nyinaa. Na oka kyere obea no se:

28 Aso 17, 26. — 2 Yoh 5, 17; Heb 4, 4, 10. 3 Ex 20, 8-11.

9 Gen 3, 22, 24; Adi 2, 7, 22, 2.

22 1 Ko 11, 7-9, 12; 1 Ti 2, 13.

17 Rom 5, 12; 1 Ko 15, 21.

24 Mat 19, 5-6; Efe 5, 28-31.

7 1 Ko 15, 45.

18 Mmb 31, 10-31.

— 1 Adi 12, 9; 20, 2.

Ampa na Onyankopon aka sɛ: Munnni turom ha nnua nyinaa bi? 2 Na ɔbea no ka kyerɛ ɔwo no sɛ: Turom ha nnua abano, yedi bi, 3 nansodua a esituro no mfinimfini no aba de, Onyankopon aka sɛ: Munnni bi, nso mommfa mo nsa nnka, na moanwu. 4 Na ɔwo no ka kyerɛ ɔbea no sɛ: Ɛnye owu na mubewu: 5 na Onyankopon nim sɛ da a mubedi bi no, mo ani bebue, na moaye sɛ Onyankopon ahu papa ne bone.

6 Na ɔbea no hui sɛ dua no ye sɛ wodi, na eye aniwa fe, na dua no do kon na ɛbɛtew ani no, ɔtew n'aba no bi, na odii, na ɔde bi maa ne kunu a ɔka ne ho no nso, na odii. 7 Na won baanu ani buebuei, na wohui sɛ wɔdɔda adagyaw, na wɔpompan borɔdɔma ahaban yɛ nnkataanim fae.

8 Na wɔtɛ Awurade Nyankopon nka sɛ onam turom ho wo anwummere mfare mu. Na onipa no ne ne yere kohintaw fii Awurade Nyankopon anim wo turom ho nnua mu. 9 Na Awurade Nyankopon frɛ onipa no, na ɔka kyerɛ no sɛ: Wowo he? 10 Na ose: Metee wo nka wo turom ho no, misuroe, efise meda adagyaw, na mihintawee. 11 Na ɔkae sɛ: Hena na ɔka kyerɛ wo sɛ wɔda adagyaw? Dua a mehyɛ wo sɛ nni bi no na woadi yi? 12 Na onipa no sɛ: ɔbea a wode no bekaa me ho no, ɔno na ɔmaa me dua no aba bi na midii. 13 Na Awurade Nyankopon ka kyerɛ ɔbea no sɛ: Eden na woyɛ saa? Na ɔbea no sɛ: ɔwo na ɔdaadaa me na midii.

14 Na Awurade Nyankopon ka kyerɛ ɔwo no sɛ: Sɛ woaye eyi nti, wɔadome wo ntoteboa ne wuram mmoa-doma nyinaa mu. Wo yafunu so na wobenantew, na woadi dɔte wo nkwa nna nyinaa.

15 Na mede ɔtan mto wo ne ɔbea no ntam, ene w'asefo ne n'asefo ntam. ɔno na ɔbebo wo ti, na wo nso woaka ne nantin.

16 ɔbea no de, ɔka kyerɛ no sɛ: ɔdo na mɛma wo yaw ne wo nyinsɛn mu brɛ adɔso. Eyaw mu na wobɛwo mma, na w'ani begyina wo kunu, na ɔno na obedi wo so. 17 Na Adam de, ɔka kyerɛ no sɛ: Sɛ wɔatie wo yere nne, na

woadi dua a mehyɛ wo sɛ nni no bi nti, wo nti wɔadome asase. Eyaw mu na wubedidi so, wo nkwa nna nyinaa, 18 na nsɛ ne nnenkysɛn na ebefifi ama wo, na woadi afuw so ahaban. 19 W'a-nim fifiri mu na wubedidi de akosi sɛ wobɛsan ako dɔte mu, efise emu na woyii wo fil, na woyɛ dɔte, na dɔte mu na wobɛsan ako.

20 Na onipa too ne yere din Hawa, efise ɔno na wayɛ ateasefo nyinaa na. 21 Na Awurade Nyankopon yɛ nhoma ntade maa onipa ne ne yere de hyɛ won.

22 Na Awurade Nyankopon kae sɛ: Hwe, onipa no aye sɛ yen mu biako hu papa ne bone. Na afei, nea ɛbeyɛ na wantɛ ne nsa antew nkwa dua no nso bi anni antra ase daa nti, 23 Awurade Nyankopon tuu no fii Eden turom ho sɛ ɔnkɔdɔw asase a wɔfaa no fii mu no. 24 Na ɔpan onipa no, na ɔde Kerubim ne gyaframa afoa a edi ahim besii Eden turo no anim apuei fam sɛ wonwɛn nkwa dua no ho kwan.

The Bible in Twi : Akuapem

© United Bible Societies 1964

UBS - EPF 1992 - 10M - 052

2 Gen 2, 16.

3 Gen 2, 17.

4 Yoh 8, 44.

6 Yak 1, 14; 1 Ti 2, 14.

7 Gen 2, 25.

8 Yer 23, 24.

13 2 Ko 11, 3.

14 Yes 65, 25.

15 Gal 4, 4; 1 Yoh 3;

8; Heb 2, 14; Rom 16, 20; Yoh 14, 30; Adi 12, 17.

16 Efe 5, 22-23; 1 Ti 2, 11-12.

19 2 Te 3, 10; Skf 12, 7.

22 Gen 3, 5.

24 Hes 10. — 4 Heb 11, 4.

7 Gal 5, 17;

Rom 6, 12.

8 1 Yoh 3, 12, 15.